

Broj: UR-008/009-04/01
Sarajevo, 26.07.2001.godine

FEDERALNO MINISTARSTVO PROSTORNOG UREĐENJA
I OKOLIŠA – OKOLICE
N/r Ministra

Predmet: Dostava konačnog revizijskog izvještaja o reviziji za 2000.godinu

Poštovani,

U prilogu akta dostavljamo Vam konačni revizijski izvještaj o reviziji finansijskih/financijskih izvještaja za 2000.godinu na Vašu dalju upotrebu. Pismene primjedbe koje ste nam dostavili na naš revizijski izvještaj, razmotrili smo i primjedbe koje su osnovane inkorporirane su u konačni revizijski izvještaj.

S poštovanjem.

Prilog: Konačni revizijski izvještaj

**ZAMJENIK GENERALNOG
REVIZORA**
Branko Kolobarić, dipl.oec.

GENERALNI REVIZOR
mr.sc.Ibrahim Okanović, dipl.oec.



**BOSNA I HERCEGOVINA
FEDERACIJA BOSNE I HERCEGOVINE
URED ZA REVIZIJU BUDŽETA/PRORAČUNA
FEDERACIJE BOSNE I HERCEGOVINE**

UR: 009 - 04/01

**IZVJEŠTAJ O REVIZIJI FINANSIJSKOG – FINANCIJSKOG
IZVJEŠTAJA NA DAN 31. 12. 2000. GODINE**

**FEDERALNO MINISTARSTVO PROSTORNOG
UREĐENJA I OKOLIŠA – OKOLICE**


maj/svibanj 2001. godine

**MENADŽMENTU FEDERALNOG MINISTARSTVA
PROSTORNOG UREĐENJA I OKOLIŠA**

REVIZORSKI IZVJEŠTAJ

1. Obavili smo reviziju finansijskih izvještaja Federalnog ministarstva prostornog uređenja i okoliša prikazanih na stranicama 3 do 13 sa stanjem na dan 31. 12. 2000. godine. Za ove finansijske izvještaje odgovornost snosi rukovodstvo ministarstva. Naša odgovornost je da izrazimo mišljenje o ovim finansijskim izvještajima na osnovu izvršene revizije.
2. Reviziju smo izvršili u skladu sa Zakonom o reviziji budžeta/ proračuna u Federaciji Bosne i Hercegovine ("Sl. novine F BiH", broj 98/99) i INTOSAI standardima («Sl. novine F BiH», broj 6/2001). Ovi standardi zahtijevaju da planiramo i izvršimo reviziju tako da pribavimo dovoljno dokaza da u finansijskim izvještajima nema značajnog pogrešnog prikazivanja podataka i da je ista obavljena u skladu sa etičkim kodeksima za revizore u javnom sektoru. Revizija uključuje ispitivanja dokaza kojima se potkrepljuju iznosi i napomene uz finansijske izvještaje na osnovu testiranja. Revizija takođe uključuje ocjenjivanje primijenjenih računovodstvenih principa i značajnih procjena učinjenih od strane računovodstva. Smatramo da naša revizija obezbjeđuje adekvatnu osnovu za formiranje našeg mišljenja. Nalaz revizije dostavlja se zainteresovanim korisnicima kod kojih treba razviti povjerenje u vjerodostojnost i pouzdanost informacija prezentiranih u finansijskim izvještajima.
3. Nismo izvršili reviziju finansijskih izvještaja sa stanjem na dan 31.12.1999. godine, tako da ne iskazujemo mišljenje o početnim stanjima na dan 01.01.2000. godine.
4. Nakon obavljene revizije skrećemo pažnju na sljedeće:
 - napomena 4;
 - napomena 7;
 - napomena 9.
5. Po našem mišljenju, osim u napomeni naglašene u tački 4, finansijski – finansijski izvještaji daju istinit i fer pregled o finansijskom – finansijskom položaju budžeta/proračuna Federalnog ministarstva prostornog uređenja i okoliša.

**ZAMJENIK GENERALNOG
REVIZORA**


Branko Kolobarić.dipl. oec.

GENERALNI REVIZOR


mr.sc.Ibrahim Okanović, dipl. oec.

NAPOMENE UZ FINANCIJSKE IZVJEŠTAJE

Federalno ministarstvo prostornog uređenja i okoliša formirano je Zakonom o federalnim ministarstvima i drugim tijelima federalne uprave («Sl. novine F BiH», broj 8/95, 9/96 i 98/99), članom 14. istog zakona. Federalno ministarstvo prostornog uređenja i okoliša vrši upravne, stručne i druge poslove utvrđene zakonom koji se odnose na nadležnosti Federacije BiH iz oblasti prostornog uređenja i okoliša. Poslovanje Ministarstva se obavljalo **preko budžetskog – proračunskog računa 10100 – 637 – 4517** otvorenog kod ZPP Filijala Sarajevo. Istovremeno je otvoren **podračun** za poslovanje poslovne jedinice za polaganje stručnih ispita iz oblasti urbanizma, arhitekture, građevinarstva, mašinstva i elektrotehnike **10100 – 638 – 6116**. Matični broj pod kojim se vodi Ministarstvo je 20104686, a šifra djelatnosti 75 116.

Ured za reviziju budžeta/proračuna Federacije Bosne i Hercegovine prvi put sprovodi reviziju u Federalnom ministarstvu prostornog uređenja i okoliša. Reviziju finansijskih izvještaja za godinu koja završava sa 31.12.2000. godine, u cjelini bez početnih stanja obavili su :

- Mirsada Janjoš – ovlašteni revizor,
- Nasiha Biberović – pomoćnik revizora.

Revizija je obavljena u periodu 23.04.2001. do 27.04.2001.

U Ministarstvu je obavljen razgovor sa zamjenikom ministra Borisom Britvarom i Sahačić Fevzijom, šefom Odsjeka za finansijsko - računovodstvene poslove. Ispred Ministarstva kao koordinator u radu imenovane su Sahačić Fevzija i Šukalo Mehida.

Stavljena je na raspolaganje sva tražena dokumentacija za 2000. godinu. U razgovoru nadležni su nas upoznali sa organizacionim ustrojtstvom Ministarstva. Napomenuto je da nemaju službe interne kontrole, niti interne revizije. Ustanovljeno je da je služba računovodstva izvan sjedišta Ministarstva i da se ista obavlja u Služba zajedničkih poslova Vlade F BiH. U sjedištu Ministarstva se obavlja dio finansijske operative sa pripremama kompletne računovodstvene dokumentacije.

NAPOMENA 1: OSNOVNE RAČUNOVODSTVENE POLITIKE

Izvještaji su pripremljeni u skladu sa Zakonom o proračunu – budžetu F BiH, Uredbom o računovodstvu proračuna – budžeta F BiH («Sl. list F BiH», broj 47/98) i Pravilnikom o knjigovodstvu proračuna – budžeta F BiH («Sl. novine F BiH», broj 6/99).

Izvještaji su iskazani u valuti KM i prezentovani su kroz kompletne računovodstvene iskaze koji se sastoje od Bilansa stanja, Iskaza o novčanim tokovima, Računa prihoda i rashoda, Iskaza o kapitalnim izdacima i finansiranju, posebnim podacima i Godišnjeg iskaza o izvršenju proračuna – budžeta F BiH. Ministarstvo nema usvojene računovodstvene politike.

NAPOMENA 2: NOVČANA SREDSTVA, PLEMENTI METALI I VRIJEDNOSNI PAPIRI

Novčana sredstva su se vodila preko otvorenog računa kod ZPP-a. U Ministarstvu se vodi blagajna. Pregledom je utvrđeno da se ista vodi u skladu sa Zakonom i Pravilnikom. Blagajna se nije vodila dnevno, nego po potrebi, zavisno od prispjelih obaveza. Preko blagajne vršene su isplate plaća, toplog obroka, naknada za odvojeni život, putnih

akontacija i razne pomoći, a sve u skladu sa Zakonom. Za sve isplate postoje Odluke i sve su izvršene u skladu sa Zakonom o Upravi u Federaciji Bosne i Hercegovine i Zakonom o radnim odnosima i plaćama službenika organa Uprave u F BiH. Zadnji provedeni izvod kod ZPP-a:

Partija 4517 je 187 Saldo 320.913,71 i

Partija 6116 je 37 Saldo 8.578,14,

što odgovara stanju u knjigovodstvu i bilansu stanja na dan 31.12.2000. godine. Pregledom je utvrđeno da se ukupan priliv i odliv novčanih sredstava vodio preko otvorenih računa kod ZPP-a.

NAPOMENA 3: ZALIHE

Na kraju godine u knjigovodstvu nije bilo iskazanih zaliha. U razgovoru sa nadležnim službenikom – djelatnikom iste se u skladu sa Pravilnikom u knjigovodstvu proračuna – budžeta u F BiH stavljaju neposredno na rashode. Nabavka materijala se odnosila na nabavku kancelarijskog materijala, kompjuterskog materijala i materijala sredstava za čišćenje. Nabavka materijala se vršila izravnom pogodbom i od provjerenih ponuđača.

NAPOMENA 4: STALNA SREDSTVA

Na bilansnim pozicijama bilanca stanja na stalnim sredstvima iskazano je saldo u iznosu od 375.214 KM, što čini neotpisanu vrijednost stalnih sredstava. Nabavna vrijednost iznosi 656.504 KM, a ispravka 281.290 KM. Prezentiran je Izvještaj o popisu stalnih sredstava na dan 31.12.2000. godine iz kojeg je vidljivo da je komisija izvršila naturalni popis i isti dostavila Službi računovodstva na obračun. Na zahtjev revizije dostavljene su saobraćajne – prometne dozvole za sva transportna sredstva – vozila Ministarstva. Provjerom je utvrđeno da knjigovodstveno stanje vozila odgovara stvarnom stanju, s tim da je vozilo PASSAT, registarskih oznaka 122 – T – 351, inventurni broj 51 299 ukradeno 28.03.2000. godine, za što postoji Zapisnik MUP-a o prijavi krađe, kao i Izvještaj komisije Ministarstva tako da revizija predlaže da se neotpisana vrijednost istog u iznosu od 12.761,32 KM isknjiži na teret izvora sredstava jer do momenta revizije vozilo nije pronađeno, jer su stalna sredstva na dan 31.12. 2000. precijenjena za navedeni iznos.

Stanje ukupnih stalnih sredstava sa nabavkom u 2000. godini je dato u sljedećoj tabeli:

TABELA 1

Redn i broj	Opis	Stanje 01.01.2000.	Nabavka u 2000.	Zbirna isp. Vrijednosti	Stanje 31.12.2000.
1.	Namještaj	63.870,01	31.041,40	296.613,06	64.685,35
2.	Kompjuterska oprema	153.528,06	44.761,50	120.387,75	77.902,31
3.	Oprema za prijenos podataka i glasa	17.600,40	14.831,17	10.029,60	22.401,97
4.	Ostale kanc. Mašine	32.268,16	16.060,00	22.378,25	23.915,91
5.	Motorna vozila	168.521,40	116.668,00	98.881,85	186.307,55
	U K U P N O	435.788,03	223.362,07	281.290,51	375.213,89

U nabavci u 2000. godini iznos od 100.375,50 KM se odnosi na donirana sredstva od PIU HOUSING-a. Analitička evidencija stalnih sredstava odgovara stanju iskazanom u glavnoj knjizi i stanju iskazanom u bilansu stanja na dan 31.12.2000. godine.

Nabavka je provjerena ispitivanjem povezane dokumentacije – ulaznih faktura. Nabavka stalnih sredstava u 2000. godini je izvršena kako slijedi:

TABELA 2

Namještaj	30.428,40
Kompjuterska oprema	11.200,00
Oprema za prijenos podataka	2.816,17
Ostale uredske mašine	2.034,00
Motorna vozila	76.508,00
U K U P N O	122.986,57

Za sve nabavke postoje Odluke. Iz Federalnog ministarstva finansija za nabavku opreme je doznačeno 25.05. 2000. godine iznos od 50.000 KM. (Izvod ZPP-a broj 73.) Prilikom nabavke stalnih sredstava nije ispoštovana Uredba o postupku nabavke robe, usluga i ustupanju radova («Sl. novine F BiH», broj 31/98) član 4, stav 1 i 2. U razgovoru sa nadležnim odabir ponuđača je izvršen neposrednom pogodbom. Odabran je najpovoljniji ponuđač, ali za iste nema pismenog dokaza niti pisane dokumentacije.

NAPOMENA 5: POTRAŽIVANJA

Na bilansnoj poziciji bilanca stanja na dan 31.12.2000. godine nisu iskazana potraživanja.

NAPOMENA 6: OBAVEZE – OBVEZE

U bilansu stanja na dan 31.12.2000. godine iskazane kratkoročne obaveze ovog Ministarstva iznose 249.633 KM što provjerom odgovara analitičkoj evidenciji u glavnoj knjizi, što je prikazano u narednoj tabeli:

TABELA 3

Redni broj	Opis (vrsta obaveze – obveze)	Iznos u KM
1.	Obaveze prema dobavljačima	196.589,00
2.	Obaveze za plaće za 12/2000	38.236,00
3.	Obaveze za porez na promet (za kupljeno vozilo)	14.808,00
	U K U P N O	249.633,00

Obaveze prema dobavljačima u iznosu od 196.589,00 KM se odnose na obaveze iz decembra 2000. godine i to su:

FRISH SPEDITION MINCHEN	114.342,00
HERCEGOVINA AUTO	61.700,00
Obaveze iz redovnog poslovanja	20.547,00.

Obaveza u iznosu od 114.342,00 KM se odnosi na obavezu za prijevoz humanitarne pomoći za crijev(za što su namjenski doznačena sredstva 13.12.2000. godine (Izvod broj

178). Prilikom odabira transportne organizacije ispoštovana je Uredba o postupku nabavke robe, usluga i ustupanju radova.

Što se tiče fakture od HERCEGOVINA AUTA u iznosu od 61.700,00 KM, a odnosi se na nabavke motornog vozila PASSAT opisano je u napomeni 4.

Nisu primljene konfirmacije obaveze prema dobavljačima, a i izmirene su do 31.01.2001. godine i utemeljene su na odgovarajućoj dokumentaciji što je provjereno uvidom u ulazne fakture.

Analitička evidencija obaveza prema dobavljačima usklađena je sa zbirom u glavnoj knjizi. U razgovoru sa nadležnim Ministarstva i ispitivanjem poslovnih događaja nastalih nakon datuma bilansa nema neevidentiranih i neizmirenih obaveza za 2000. godinu.

Dugoročnih obaveza nema evidentiranih.

NAPOMENA 7: PRIHODI

Sva sredstva iz budžeta – proračuna su doznačena na otvoreni račun kod ZPP-a.

Struktura prihoda je prikazana u Računu prihoda i rashoda (tabela 1). Treba napomenuti da u strukturi prihoda 243.690 KM čine vlastiti prihodi Ministarstva i da su uplaćivani direktno na račun Ministarstva, što je suprotno odredbama Zakona o proračunu – budžetu F BiH. («Sl. novine F BiH», broj 20/98). Iz ovih sredstava su podmirivani redovni materijalni troškovi nastali iz redovnog poslovanja, kao i naknade zaposlenima (topli obrok, prijevoz, regres za godišnji odmor).

Redovni prihodi iz budžeta čine 1.263.370,00 KM, od toga

350.000,00 KM čine strogo namjenska sredstva, od čega je 111.604,00 KM planirano i usvojeno budžetom – proračunom za 2000. godinu kao ugovorene usluge u glavi 231, razdjel 23., tako da ovim nije ispoštovan Zakon o izvršenju proračuna – budžeta kako po pitanju visine planiranih i ugovorenih sredstava u posebnom dijelu proračuna budžeta, tako i njegovog trošenja. U ova sredstva je uključeno i 200.000 KM za sufinansiranje općine Stolac, što je takođe Zakonom o izvršenju proračuna - budžeta u suprotnosti (član 22 – 30 Zakona). Naime, Ministarstvo prostornog uređenja i okoliša nije planirano u posebnim propisima i programima koje donosi Vlada, odnosno vladinom programu utroška sredstava iz člana 22 – 30, Zakona o proglašenju Zakona o izvršavanju budžeta – proračuna Federacije BiH za 2000. godinu («Sl. Nov. F BiH», broj 13/2000).

NAPOMENA 8: IZVORI SREDSTAVA

Uvidom u glavnu knjigu i bilans stanja na dan 31.12.2000. godine stanje sredstava u iznosu od 375.214,00 KM odgovara izvorima sredstava.

NAPOMENA 9: RASHODI

Uvidom u glavnu knjigu, kao i bilansne pozicije i račun prihoda i rashoda utvrđeno je da su isti provedeni shodno odredbama Uredbe o računovodstvu proračuna – budžeta u F BiH («Sl. novine F BiH», broj 47/98) i Pravilnikom o knjigovodstvu proračuna – budžeta u F BiH («Sl. novine F BiH», broj 6/99).

Rashodi su se priznavali u obračunatom razdoblju u kojem je obaveza za plaćanje i nastala bez obzira da li je izvršeno i samo plaćanje. Uvidom u glavnu knjigu obaveze i rashodi su knjiženi onoga momenta kada su nastali bez obzira kada je izvršeno plaćanje.

Metodom slučajnog uzorka za svaki iskazani konto na rashodima izvršen je uvid u pojedine račune i utvrđeno je da za svaki postoji izvorni dokument i da je svako testirano knjiženje izvršeno pravilno. Tako da je račun za testiranu izjavu objavljen realno i objektivno.

Pregled mapnih rashoda je prikazan kako slijedi:

TABELA 4

Redni broj	Vrsta rashoda (izdatka)	Napomena	Iznos u KM
1.	Neto plaće	a)	265.168
2.	Porezi na plaće		34.292
3.	Doprinosi na teret zaposlenih		124.803
4.	Naknada za prijevoz na posao i sa posla		14.366
5.	Naknada za odvojeni život		4.400
6.	Naknada za topli obrok tokom rada		48.517
7.	Regres za godišnji odmor		15.124
8.	Otpremnina zbog odlaska u mirovinu		894
9.	Pomoć u slučaju smrti i teže invalidnosti		6.105
10.	Pomoć za ostale slučajeve	b)	21.046
11.	Naknade za privremene i povremene poslove	c)	49.943
12.	Doprinosi poslodavca		50.662
13.	Troškovi prijevoza u zemlji javnim sredstvima		333
14.	Putovanja, lična – osobna vozila u zemlji		492
15.	Troškovi smještaja za sl. Putovanja u zemlji		633
16.	Troškovi dnevnica u zemlji		4.706
17.	Troškovi prijevoza u inostranstvu javnim sredstvima		4.603
18.	Putovanje, lična vozila u inostranstvu		351
19.	Tr. smještaja za sl. put u inozemstvu		1.152
20.	Troškovi dnevnica u inozemstvu	d)	19.115
21.	Izdaci za električnu energiju		4.430
22.	Izdaci za centralno grijanje		3.804
23.	Izdaci za vodu i kanalizaciju		4.918
24.	Izdaci telefonskih i poštan. Usluga – PTT		33.947
25.	Izdaci usluga odvoza smeća		1.424
26.	Ostale komunalne usluge		410
27.	Izdaci za obrasce i papir		2.041
28.	Izdaci za kompjuterski materijal		4.119

29.	Izdaci za ostali administrativni materijal		5.723
30.	Materijal za čišćenje		12
31.	Ostali materijal		2.985
32.	Benzin		7.568
33.	Prijevoz robe		147
34.	Registracija motornih vozila		181
35.	Unajmljivanje stanova		1.087
36.	Materijal za opravku i održavanje zgrada	e)	18.144
37.	Materijal za opravku i održavanje opreme		336
38.	Materijal za opravku i održavanje vozila		3.763
39.	Usluge opravki i održavanja zgrada		6.074
40.	Usluge opravki i održavanja opreme		2.780
41.	Usluge opravki i održavanja vozila		3.625
42.	Osiguranje lica	f)	694
43.	Osiguranje vozila		353
44.	Izdaci bankarskih usluga		342
45.	Izdaci platnog prometa		3.341
46.	Usluge medija		116
47.	Usluge štampanja		166
48.	Usluge javnog informisanja i odnosa sa javnošću		6.677
49.	Usluge reprezentacije		8.243
50.	Ostali izdaci za informisanje		512
51.	Usluge stručnog obrazovanja		659
52.	Izdaci za stručne ispite		700
53.	Autorski honorari		90.707
54.	Ostale nepomenute usluge i dažbine		52.071
55.	Grantovi neprofitnim organizacijama	g)	124.685
56.	Subvencije javnim preduzećima	h)	200.000
	U K U P N O		1.275.288

- a) Plaće su obračunate u skladu sa Zakonom. Za razdjeljak 23 u budžetu – proračunu izdaci za plaće su usvojeni na bazi 37 uposlenih djelatnika – službenika. Uvidom u platne liste stanja uposlenih na kraju mjeseca utvrđeno je da je prosječno stanje uposlenih na kraju svakog mjeseca 37,17.

Uposlenost po mjesecima izgleda ovako:

Mjesec	Broj uposlenih
Januar	34
Februar	35
Mart	34
April	37
Maj	39
Jun	38
Jul	38
Avgust	38
Septembar	39
Oktobar	38
Novembar	38
Decembar	38

Isplate plaća i ostalih naknada su vršene u skladu sa zakonom.

- b) Pomoć za ostale slučajeve – odnosi se na jednokratne pomoći svim uposlenim u Ministarstvu. Isplaćene su u skladu sa zakonom i na iste obračunat je i plaćen doprinos na dodatna primanja u skladu sa zakonom.
- c) Pregledom utvrđeno da su iste obračunate i isplaćivane u skladu sa zakonom.. Uvidom za sve isplate postoji uredni putni nalozi sa izvještajem.
- d) Odnosi se na izdatke za održavanje poslovne zgrade zašto su namjenski odobrena sredstva. O vlasništvu zgrade ne postoji dokumentacija, ali se za istu ne plaća ni zakupnina. Po pisanoj izjavi nadležnih u Ministarstvu o zgradi se stara Vlada.
- e) Osiguranje se odnosi na kolektivno osiguranje uposlenih u Ministarstvu. (Uvid ugovor sa BH osiguranjem).
- f) Odnosi se na obaveze za transport, objašnjeno u napomeni 6.
- g) Zaključkom Koordinacionog odbora za obnovu i rekonstrukciju Vlade F BiH, Rješenjem broj 01/1 – 23 – 972 – 5/00 od 28.11.2000. godine Federalno ministarstvo prostornog uređenja i okoliša se obavezalo da će učestvovati u sufinansiranju obnove općinske zgrade u općini Stolac. Za istu su doznačena sredstva 01.11.2000. godine, izvod broj 159, a prenešena općini Stolac 15.11.2000. godine, izvod broj 167.

PREPORUKA:

- Da se donesu interni akti o visini utroška pojedinih usluga kako bi se postiglo što efikasnije i racionalnije korištenje budžetskih sredstava.
- de se regulišu imovinski odnosi i da se tačno utvrdi ko je vlasnik objekata koji se koriste, navodno kao objekti Vlade Federacije Bosne i Hercegovine.

NAPOMENA 10: ZAKLJUČAK

Preporučuje se Ministarstvu prostornog uređenja i okoliša da donese **Pravilnik o računovodstvu** sa tačno utvrđenim računovodstvenim politikama i procedurama, sa **značajnim osvrtom na sistem internih kontrola**.

Sistem internih kontrola bi trebao biti oblikovan kroz **skup predloženih organizacijskih mjera sa tačno utvrđenim zadacima i odgovornostima svih uposlenih u Ministarstvu**. Time bi se:

- Značajno popravila kontrola **isplata kroz blagajnu** i spriječilo neprimjereno trošenje sredstava.
- Značajno pojačala kontrola **isplata iz budžetskih sredstava** onako kako se to zahtijeva odobrenim budžetom.
- Značajno poboljša kontrola **nad neočekivanim troškovima**.
- Značajno se poboljša kontrola **da odobrene transakcije sadrže dovoljno popratne i povratne dokumentacije** o utrošku istih.
- Da se osigura **da odabir dobavljača vrši u skladu sa Zakonom** i da isti bude transparentan.
- Da se osigura **čuvanje imovine i njeno što efikasnije i ekonomičnije trošenje**.
- Da se **na vrijeme otkriju sve greške** (namjerne i nenamjerne).
- Da se **financijski izvještaji sastavljaju u skladu sa važećom zakonskom regulativom**, i da odražavaju tačan i istinit prikaz poslovanja tokom godine i stanja na kraju godine.

Ovlašteni revizor

Mirsada Janjoš, dipl.oec.

MINISTARSTVO ZA PROSTORNOG UREĐENJA I OKOLIŠA
RAČUN PRIHODA I RASHODA ZA PERIOD 01.01. – 31.12.2000.

TABELA 5

POZICIJA	NAPOME NA	2000. godina	1999. godina
1	2	3	4
I RASHODI	9	1.275.288.	754.605.
A. Tekuci rashodi		1.275.288.	754.605.
Plaće i naknade tr.zaposlenih		584.659.	414.096.
Bruto plaće i naknade		424.623.	339.364.
Naknade tr.zap.i skup.zastupnika		160.396.	74.732.
Doprinosi posl.i ost.doprinosi		50.662.	64.776.
Izdaci za mat. I usluge		315.282.	274.733.
Putni troškovi		33.184.	16.494.
Izdaci za energiju		8.234.	12.831.
Izdaci za komunalne usluge		40.698.	25.110.
Nabavka materijala		14.881.	10.248.
Izdaci za usluge prevoza i goriva		7.896.	6.191.
Unajmljivanje imovine i opreme		1.087.	2.236.
Izdaci za tekuće održavanje		34.721.	4.810.
Izdaci osig.i ban.usl.,usl.pl.prom.		4.730.	3.018.
Ugovorene usluge		169.851.	192.803.
Tekući grantovi		324.685.	1.500.
Subvencije neprofitnim organiz.		124.685.	1.500.
Subvencije javnim predizećima		200.000.	-
II PRIHODI	7	1.558.825.	699.833.
B.Neporezni prihodi		245.883.	152.246.
Prih.od poduz.akt.i imov.i p.k.r		2.193.	-
Prih.od nef.jav.pred.i fin.j.institu.		2.193.	-
Nakn.i takse i pri.od pr.jav.usl		243.690.	152.246.
Prihodi od pružanja javnih usl.		243.690.	152.246.
C.Tekuće potpore (grantovi)		49.572.	-
Potpore iz inostranstva		49.572.	-
D.Prihodi iz budžeta		1.263.370.	547.587.
VIŠAK P/R (34-1)			
VIŠAK R/P (1-34)		283.537.	54.772.
Pokriveno iz kredita			
Iz viška pri.iz pr.god		-	86.544.
Ostalo			
Nepokriveno :			

BUDŽET-PRORAČUN MINISTARSTVA PROSTORNOG UREĐENJA I OKOLIŠA
BILANS STANJA NA DAN 31.12.2000. GODINE

TABELA 6

POZICIJA	NAPOMENA	2000. GODINA	1999. GODINA
1	2	3	4
I AKTIVA			
A. Gotovina , kratk.potraživ. i Razgraničenja		494.716.	156.980.
Novč.sred. i plemeniti metali		401.492.	113.852.
Kratkoročna razgraničenja		93.224.	42.128.
B. Stalna sredstva	4	375.214.	224.669.
Stalna sredstva		656.504.	443.948.
Ispravka vrijednosti		281.290.	219.279.
Neotpisana vrijednost stalnih Sredstava		375.214.	224.669.
UKUPNA AKTIVA		869.930.	381.349.
II PASIVA			
A. Kratkoročne obav.i razgran.	6	304.433.	127.247.
Kratkoročne tekuće obaveze		211.397.	11.334.
Obaveze po osn.vrijed.papira			7.835.
Obaveze prema djelatnicima		38.236.	38.078.
Kratkoročna razgraničenja		54.800.	70.000.
C. Izvori sredstava		565.497.	254.408.
Izvori sredstava		375.214.	224.669.
Neraspor. višak prihoda I rashoda		190.283.	29.733.
UKUPNA PASIVA		869.930.	381.649.

BUDŽET-PRORAČUN FEDERALNOG MINISTARSTVA
PROSTORNOG UREĐENJA I OKOLIŠA - OKOLICE
ISKAZ O NOVČANIM TOKOVIMA NA DAN 31.12.2000.

TABELA 7

POZICIJA	NAPOMENA	2000. GODINA	1999. GODINA
1	2	3	4
NOVČANI PRIMICI		295.455.	152.246.
Neporeski prihodi		245.883.	152.246.
Tekuće potpore		49.572.	
D. Ostalo		1.213.274.	504.118.
Prihodi iz budžeta		1.213.274.	504.118.
UKUPNI NOVČANI PRIMICI		1.508.729.	656.364.
II NOVČANE ISPLATE		1.098.103.	627.017.
Plaće i nakn.troškova zaposlenih		584.501.	376.018.
Doprinosi poslodavca		50.662.	64.276.
Izdaci za materijal i usluge		223.055.	185.223.
Tekući grantovi		239.885.	1.500.
B. Kapitalni izdaci		122.986.	2.039.
Nabavka kapitalnih sredstava		122.986.	2.039.
UKUPNE NOVČ. ISPLATE		1.221.089.	629.056.
NETO N. PRIMICI/ISPLATE		287.640.	27.308.
SALDO GOT.NA POČ.GOD.		113.852.	86.544.
SALDO GOT.NA KRAJ.GOD.		401.992.	113.852.

FEDERALNO MINISTARSTVO PROSTORNOG UREĐENJA I OKOLIŠA
GODIŠNJI ISKAZ O IZVRŠENJU BUDŽETA
 Za period 01.01. – 31.12.2000. godine

TABELA 8

Pozicija	Planirano	Ostvareno	Odstupanje	Indeks
3	4	5	6	7
I PRIHODI I PRIMICI	656.780	1.558.825	902.045	2,73
A . NEPOREZNI PRIHOD		254.883		
Prihodi od nefinanc. javnih preduzeća i financ. Javnih instit.	–	2.193	–	–
Naknade, takse i prihodi od pružanja javnih usluga	–	243.690	–	–
Prihodi od pružanja javnih usluga	–	243.690	–	–
B. POTPORE (GRANTOVI)	–	49.572	–	–
Tekuće potpore iz inostranstva	–	49.572	–	–
C. PRIHODI IZ BUDŽETA	656.780	1.263.370	606.590	1,92
II RASHODI PO EKONOM. KATEG.	656.780	1.398.274	741.494	2,13
A. TEKUĆI RASHODI	656.780	1.275.288	618.508	1,94
Plaće i naknade	406.800	584.659	177.859	1,44
Bruto plaće i naknade	355.000	424.263	69.263	1,20
Nak. Trošk. Zapos.	51.800	160.396	108.596	3,10
Doprinosi poslodavca	45.000	50.662	5.662	1,13
Izdaci za mat. I usluge	204.980	315.286	110.306	1,54
Putni troškovi	86.369	33.184	53.185	0,38
Izdaci za energiju	16.369	8.234	8.135	0,50
Izdaci za kom. Usluge	27.529	40.698	13.169	1,48
Nabavka materijala	13.392	14.881	1.489	1,11
Izdaci za usl.prev. i g.	–	7.896	–	–
Unajmlj. im. I opreme	–	1.087	–	–
Izdaci za tek. održ.	17.113	39.721	17.608	2,03
Izdaci za osigur. Bank. Usluga i neg. Kur. Raz.	2.604	4.730	2.126	1,82
Ugovorene usluge	111.604	169.851	58.247	1,52
Tekući grantovi	–	324.865	–	–
Grantovi neprof. Org.	–	124.685	–	–
Subvencije javnim preduz.	–	200.000	–	–